

河朔訪古記

元納新著

諸城劉氏威本

同治戊辰八月尋于京師

鄭齋記



欽定四庫全書提要

河朔訪古記

臣等謹案河朔訪古記三卷不著撰人名氏
明焦竑國史經籍志著錄亦不云誰作者元
劉仁本羽庭集有是書序曰今翰林國史院
編修官郭囉洛氏納新易之自其先世徙居
鄞至正五年挈行李出浙渡淮溯大河而濟
歷齊魯陳蔡晉魏燕趙之墟弔古山川城郭



邱陵宮室王霸人物衣冠文獻陳迹故事暨
近代金宋戰爭疆場更變者或得於圖經地
志或聞諸故老舊家流風遺俗一皆考訂夜
還旅邸筆之於書又以其感觸興懷慷慨激
列成詩歌者繼之總而名曰河朔訪古記凡
一十六卷云云則此書寔為納新作焦氏考
之未審序稱十六卷焦氏作十二卷亦誤也
納新字易之系出西北郭囉洛因以為氏郭

囉洛者以

欽定西域圖志考之即今塔爾巴哈台也元時色
目諸人散處天下故納新寓居南陽後移于
鄆縣初辟為浙東東湖書院山長以薦授翰
林編修官所著金臺集尚有刊本惟此書久
佚今散見永樂大典中者惟一百三十四條
所紀皆在真定河南境內而其餘不存又仁
本所稱繼以詩歌者亦不復可見然據今所

存諸條其山川古蹟多向來地志所未詳而金石遺文言之尤悉皆可以為考証之助謹彙而編之核其道里疆界各以類從真定路為一卷河南路為一卷雖殘缺之餘十存一二而岷略宛在條理可尋講輿地之學者猶可多所取資焉乾隆五十二年二月恭校上



河朔訪古記卷上



常山郡部

元本納真新撰

常山郡部真定路禹貢冀州之域春秋鮮虞之地晉滅之戰國屬趙秦為鉅鹿郡地漢初置恒山郡避文帝名改常山郡屬真定國晉仍為常山郡魏因之徙今治後周立恒州隋復為恒山郡唐初曰恒州天寶改常山郡又改平山郡尋復常山元和避穆宗諱改鎮州升成德

軍五代梁曰武順軍晉曰順德軍漢曰成德軍周及宋皆因之宋尋改真定府為河北重鎮金因之置河北西路國朝初仍為河北西路懷衛邢洛磁相保大名河間皆隸焉後改真定路總管府領縣九曰真定曰欒城元氏靈壽獲鹿平山阜平藁城涉縣領府一曰中山領州五曰冀深蠡晉趙府州所鎮縣凡二十有一真定路錄事司國朝所建立專理城內城之外則真定縣所理城中今置燕南河北道肅政廉訪使及真定路總管府以鎮之錄事司真定縣二官署皆在城中

漢高祖攻陳豨改曰真定魏為常山郡治故城今在縣南元魏移郡治於府城中隋廢郡唐復為真定縣屬鎮州宋金因之屬真定府國朝為真定路倚郭縣

藁城縣戰國趙武靈王為九門縣漢為藁城屬真定九門屬常山晉省藁城北齊置鉅鹿郡省九門唐置廉州復改藁城州尋廢又置九門縣曰觀州州亦廢並屬鎮州天祐置藁平縣宋置藁城省九門入焉開寶三年廢

金復置國朝因之屬

樂城縣春秋晉靖公孫賓食邑賓因以樂為氏西漢為
關縣即今治也東漢為樂城縣故城在趙州西北十六
里今日輪城是也晉省後魏復置隋置樂州尋廢唐改
樂氏屬趙州後真定宋為樂城金因之國朝為真定路
屬縣

中山府城中中山唐堯始封此禹貢為冀州之域春秋
鮮虞國也初為中山魏并之秦為上谷鉅鹿二郡地漢

置中山國治盧奴後燕慕容垂都此元魏為中山郡隋
為博陵郡尋改高陽唐為定州又復改博陵郡升義武
軍宋改定武軍升中山府中山郡金仍為中山府國朝
因之為中山府隸真定路領縣三日安喜為附郭縣曰
新樂曰無極

安喜縣春秋鮮虞之地戰國為中山魏文侯使樂羊取
之以封太子至漢為盧奴若陘二縣之地東漢為漢昌
縣魏改魏昌元魏立安州尋改定州北齊遷安喜於今

治隋廢安喜屬博陵郡尋置鮮虞縣唐復為安喜宋金因之國朝以安喜為中山府倚郭縣兼理城中

趙州城中禹貢翼州之域春秋屬晉戰國屬趙秦屬邯鄲郡漢屬恒山鉅鹿二郡地晉為趙州國北魏趙郡兼置殷州理象城北齊為趙州隋改欒州尋為趙郡唐復為欒州尋改趙州又為趙郡屬河北道宋初仍為趙州宗寧中升慶源軍尋升慶源府金大德三年改沃州因與趙音同又取以水沃火之義云國朝復為趙州隸真

定路領縣七曰平棘為附郭縣曰寧晉曰臨城曰高邑曰栢鄉曰隆平曰贊皇

平棘縣漢初屬常山郡後置宋子縣晉屬趙國後魏為趙郡治所復置宋子縣隋自象城移趙州治此改置平棘縣唐宋金皆因之國朝為趙州屬縣倚郭縣兼理城中

管仲曰鄆邑之黍春秋納荀卿于栢人鄆為晉邑栢鄉即栢人今治即鄆邑也漢屬鉅鹿郡高祖八年次栢人

河漢言古言卷上
趙相貫高謀殺上上心動問縣名栢人上曰栢人者迫
於人也去弗宿即此地也光武即位于縣之五成陌千
秋亭更名高邑為翼州刺史治所魏改陌仁隋置栢鄉
縣於彭水之陰即今治也唐因之屬趙州天寶改堯山
縣宋省栢鄉入高邑而存堯山今復為栢鄉屬沃州國
朝因之為趙州屬縣云

元氏縣西北三十餘里曰封龍山星文圖曰山應軒轅
十星屈折若飛龍之狀故云山陽有龍首峰高二百丈
上有立石數莖望之若龍骨也峯東北五里又有獅子
峯高三百丈若獅子蹲踞又有熊耳峯高五百丈又有
玉石峯螺峯南北天井皆西北最高之峯各以其形相
類而名也又有石人峯在東南隅三石相向屹立各高
三四丈如儼人形又有孩兒華蓋二峯名仙人臺則在
螺峰之西怪石相承如臺故云山絕頂有二塔獅子峯
後數百步有白雲洞世傳張果老所居又有龍井而水
簾在龍泉之上垂二丈許雖祁寒不凍大旱禱輒應云

千萬壘趙州平棘縣南五里安濟橋南有壁壘曰千萬
今俗呼為西壁營昔漢安帝永初元年以鄧騭任尚討
羗無功而後羗遂侵河內趙魏民驚恐北軍中侯朱寵
將五營兵屯孟津詔魏郡趙國常山中山繕作塢壘六
百十有六所此即一也今河羗人居之

巘嵒山音權在栢鄉縣南乃土山也今屬順德路唐山

縣境即古栢人也巘嵒山出五色石

真一泉真定路府治西街居民舍下有一井極甘美曰

真一泉金章宗嘗取惠山泉與此水較之其味大縣章
宗因曰真一潤二遂以名其泉云

盧水中山府城濠水流入城中為盧水水經注曰盧故
城西北隅有水困而不流南北一百步東西百有餘步
水黑色俗名黑水池或曰水黑曰盧不流曰奴故盧曰
奴云自原本缺一字至燕皆引滏水入城今水竇既毀地道
亦絕惟池水流出城外潭積微漲滑滑東北流注於滏
水也

涇邑縣故城安喜東南五十里本之涇城也史紀曰田叔趙涇城人也漢為苦涇縣屬中山國章帝改漢昌魏改魏昌北齊廢隋置隋昌屬博陵郡唐改唐昌屬定州天寶間改涇邑至宋康初省入安喜迄今為墟市民居甚眾豪商大賈皆集焉市衢之西有西門豹之廟此即史記所謂陳餘游苦涇得富人公乘氏女所也

新城在縣北三十里曰新城鎮即古新市縣也為白狄鮮虞之國漢為中山屬縣王莽曰平樂縣也趙記曰新

市縣有藺相如廉頗李牧三將之宅故其城勢作三曲西北避相如宅東北避頗宅東南避牧宅又云相如祖塋皆在城中今為新市鄉新城鎮居民數百家為墟市

十二月夜宿鎮上蘇氏逆旅是夜大雪九門故城

董氏族附

藁城縣西北三十里荒城一區蓋戰國時趙邑本有九室居之武靈王改曰九門史記王出九門如野臺以望齊中山之境是也惠文王二十八年藺相如城之漢為縣今為九門鎮野臺在城側俗呼為寒臺云城中世家

惟董氏一族故自其龍虎衛上將軍俊帥孤軍內附滅
金之役戰死黃河之上謚忠烈其子文炳忠獻公受知
世祖身兼左轄僉樞之職討滅宋國事載信史次文用
為翰林承旨謚忠穆次文忠僉樞密院謚忠貞其孫士
選陝西平章謚忠宣子孫清顯世罕及之者內翰元文
撰公家傳贊曰或曰為將三世其後受其不祥董氏貴
顯四世子孫數十百人或曰活一人者必有後龍虎公
忠獻公為大將不妄殺瀆死而生之者無盧數十萬人
其諸以是為德與後臺臣上章累請援史張功臣例進
封王爵子孫辭不受蓋以滿盈為誡也余嘗過其第中
見其冠蓋蟬聯子弟皆清修好學而有承平公子之風

觀乎此清河元公
之言益可信矣

南樂鄉城千金渠附栢鄉縣南千山言二山之西也俗呼為

南陵城十三州志曰昔陳公子完避亂奔齊桓公以此

封之漢武帝封趙敬肅王子它為南樂侯即王莽之富

平也杜氏傳曰齊國夏伐晉取樂其後南徙故曰南樂

云城西有千金渠唐開元中縣令王佐所沒以疏積潦

其堰則謂之萬金堰也

真定路之南門曰陽和其門頗完固上建樓櫓以為真

定帑藏之巨盈庫也上作雙門而無棖臬通過而已左
右挾二瓦市優肆娼門酒壚茶竈豪商大賈並集於此
大抵真定極為繁麗者蓋國朝與宋約全滅金蔡城既
破遂以土地歸宋人民則國朝盡遷於北故汴梁鄭州
之人多居真定於是其有故都之遺風焉

藁城縣西二十五里故城東高臺三所圯址尚存郭况
故臺也今臺傍有三村落一曰臺西一曰故城一曰內
族此即郭后所居也昔光武擊王郎至真定過此因納

郭氏為后今臺三所作南西北三面北臺之上建盧郎
神廟不知何神廟東向神像具唐服民至今祀之今真
定平山縣東有綿蔓故城即光武所封况之侯國也
安喜縣東南三十里荒臺一所曰雞鳴臺世傳漢世祖
自薊而南於此舍宿其地窪下遂築此臺雞鳴而發因
以名云

趙州城中州衙南皇華驛之東有望漢臺此即東漢耿
純所築以望東武之所也歲久推圯宋大觀四年知軍

州事劉戒惜其遺跡湮沒乃築而新之其高七尋其基
延袤二百八十尺上廣六十尺仍構屋以覆之命州判
官趙徽之撰望漢臺銘刻石其碑今在州衙前金刺史
趙溫諤碑樓下望漢臺但一荒邱耳

趙州城南平棘縣境通津有大石橋曰安濟長虹高跨
通衢上分作三道下為環洞兩塊復各為兩洞制作精
偉闌楯刻蹲獅細巧竒絕華表柱上宋臣使金者刻題
甚多不能盡讀有刻曰連鵬舉使大金至絕域寶居首

選宣和八年八月壬子題橋上片石有驢足跡四所世
傳神仙張果老之跡或云當時匠者之戲匠者曰李春
隋時人也張果老列仙傳云果真定蒲吾人隱封龍山
唐高宗召不起明皇迎入禁中賜號通玄先生後不知
所終今真定平山縣東十三里有蒲吾古城即果老居
也

趙州城西門外平棘縣境有永通橋俗謂之小石橋方
之南橋差小而石工之制華麗尤精清洌二水合流橋

下此則金明昌間趙人裒錢而建也建橋碑文中憲大夫致仕王革撰橋左復有小碣刻橋之圖金儒題咏併刻於下

李昉書院附吟臺元氏縣封龍山龍首峯下有宋丞相李

昉讀書堂及吟臺皆在焉李公書堂本三所東溪者為浮屠所占西溪蕪沒不可考今建書院者即中溪也吟臺在東北隅疊石為之高三丈餘宋碑一通尚在逮國朝至元三年李文正公治自翰林學士辭歸隱山中因

其故基以築大成殿講堂齋舍招延學者王文忠公磐為撰書院記李文正公字仁卿自號敬齋云金進士樂城人也有文集行世王文忠公字文炳號鹿庵廣平人亦云金進士入國朝為翰林丞旨年九十二以壽終

徐童樹在元氏縣封龍山修真觀四周多徐童樹樹類梧桐香氣時襲人其子可以染碧移植他所則輒死俗呼為徐童華世謂北嶽徐真君登仙於此記云駱元素遇一老人得藥十粒且告曰服此則不饑吾本姓徐氏

字元英新受長桑君牒為北嶽長史言既化童子乘白雲而去因以名云

中山府學講堂前有雪浪石承以丈八芙蓉石盆盆口鏤蘇文忠公雪浪石銘其石紋作波濤痕復有若卧牛立鳳之狀者昔蘇公守定日甚愛此石構小室置之榜曰雪浪齋云西廡下一碑圖石之形并刻其銘於右學中又有唐王維畫竹碑二通一黑一白世謂陰陽竹也玉華宮在真定路城中衙城之北潭園之東是為睿宗

仁聖景襄皇帝之神御殿奉安御容者也外為紅綽楔垣牆四周槐柳森列重門榮戟廣殿修廡金碧輝映宏壯華麗擬於宮掖制命羽流崇奉香鐙置衛士以守門闈歲以月日中書以故事奏聞命集賢院臣代祀函香致醴遣太常雅樂率燕南憲臣真定守臣具朝服備牲牢行三獻之禮延祐間御史元永貞上疏略曰聖朝建宗廟崇孝享可謂至矣而睿宗神御別在玉華宮竊惟功德莫如太祖世祖不聞有原廟世祖神御奉安大聖

壽萬安寺歲時以家人禮祭供不用太常雅樂今玉華宮又非龍興降誕之地伏望朝廷照依京師諸寺影堂例止命有司祭供罷太常樂斯得典禮之正矣疏上不報元統乙亥監禮官薩都拉天錫有詩詠其事詩曰大禘天香出內宮孝思與世總無窮百年禮樂行三獻一派簫韶起半空使者領班雲氣裏女仙搖佩月明中小臣監禮陪清列兩袖葵花映燭紅天錫進士時為燕南廉訪司照磨云

開元寺在真定路城中鼓角門天祿坊西此即張五村故地也寺內三門石柱刻曰大歷十二年藁城主簿李宿撰解惠寺三門樓贊云後魏興和二年建寺曰淨觀至隋開皇十一年改曰解忠後復改開元寺寺有千石鐘聲聞數百里今為官府昏曉之警鐘樓拱間有趙閻閻所遺墨跡正殿皆石欄環繞鐫刻華木禽獸人物極為工緻纖巧寺復有轉藏經碑乃梁王承規集王右軍書也妙絕當世復有封居賦小篆千文碑在寺中

臨濟寺在真定府城中定遠門東街飛雲樓之東其三
門下有唐吳道子所畫布袋和尚像及搖鈴普化真讚
東坡墨竹綠筠軒詩等石刻極為精妙寺乃臨濟祖庭
其靈塔則金世宗所建也昔臨濟和尚結茅於此嘗與
本塔河陽二師圍爐而坐本塔曰搖鈴普化果是凡是
聖普化適至揭簾而入汝謂我是凡是聖臨濟大喝一
聲普化作偈曰河陽新婦子木塔老婆禪臨濟小厮兒
倒具一雙眼世傳寺本趙王鎔所賜墨君和故宅也

趙州城中東門內有栢林院世呼為趙州古佛道場蓋
唐末僧趙州和尚修行之所舊在城外後城既展而在
東門內矣院西丁字街有石浮圖俗曰大石塔高可四
五大制作極工上刻古薤葉篆亦妙宋景祐五年西廂
人所建也

中山府城中天寧寺後有小寺世傳慕容垂之後宮也
其妃以誣被殺寃血濺砌石石白血殷漬而不滅每雨
過其色愈鮮余嘗考北史垂妃無它被殺者惟段氏諫

垂廢太子寶垂不聽寶深銜之及即位今自殺疑此即段氏之血也

樂武子廟樂城縣西四里彪塚村高邱一所曰樂武臺臺有廟曰樂武祠此即樂伯書之廟也書諡曰武故云廟西南有一塚曰彪塚俗傳武子獵於此射一彪死葬於此焉

中山府文廟西宋丞相魏忠獻王韓公琦祠堂存焉琦為帥有惠政州人為立祠祠下有碑一通其畧曰仁宗

朝出知定州時州兵不治將為亂及至即用兵得裁之察其橫不知教者斬之有死於戰敵者賞其家其孤兒使繼衣廩廼效古兵法列方圓銳三陣親教習之由是定兵強勁可用號稱雄鎮聲振契丹云

真定路城中開元寺後繡女局內唐清河郡王李寶臣紀功碑一通其碑極高大永泰二年立顛要云李寶臣紀功二碑一在真定府治東三十步即此碑也一在府西十一步大歷三年立今在居民房屋土底常有人掘

見去

真定路城中開元寺後繡女局內復有鉅碑埋土中止
露碑首長及丈五題曰王武俊碑貞觀五年立文字皆
不可考顛要云王武俊碑去真定府治東門二十步即
此碑也

真定路南關陽和門外史丞相遺愛碑一通螭首龜趺
高四十尺冠以華屋壯麗崇峻其文則郡教授吳特起
撰也碑略曰公姓史氏名夫澤大都永清人國初嗣兄

天倪爵為河北兵馬都元帥尋除真定等處五路萬戶
又擢經畧宣撫使世祖皇帝即位中統二年起拜右丞
相至元元年進光祿大夫三年進輔國上將軍為樞密
副使四年復為左丞相六年以榮祿大夫為平章政事
八年加開府儀同三司平章軍國重事中書左丞相公
出入將相幾五十年柱石四朝儀表百辟古之社稷臣
也其保障河北戰三峯山捨金擣宋皆建奇功嘗同巴
延淮安忠武王統大軍至鄂渚以病召還明年薨於位

即十二年二月七日也享年七十二贈太尉諡忠武墓
真定縣太保莊墓碑翰林學士圖克坦公履撰神道碑
則翰林承旨王磐撰皆敕賜文也延祐六年加贈推忠
贊治同德佐運功臣太師開府儀同三司上柱國鎮陽
王初公之治真定也披荆棘驅狐狸開城郭立官府以
招人民成天下之劇郡四方之都會武仙之亂公兄元
帥天悅遇害主將欲盡誅郡人以雪其恨公恐失脅從
罔治之義忍忿會垢亟諫數四乃得全活壬辰招降老

幼十萬餘口將護北渡使其自便處所或使歸鄉里一
無所問其德可勝言哉公甲第今在子城西黑軍營北
第中有靜治堂青檄樓景光亭江漢堂云十二月早渡
滹沱河抵陽和門外日卓午矣飯於旅舍遂至南關下
馬讀其碑而去

真定路府學尊經閣下有劉法墨史圖石刻及揚秘監
邦基畫及金諸賢詩極精妙也舊在墨史堂今龕閣壁
云

唐恒州刺史陶雲碑在真定路府治廡下有唐恒州刺史陶雲碑一通字為行草書筆勢遒勁而不著書者姓名其文則唐申州錄事張義感所撰其畧曰雲字大舉河南伊闕人高宗時為恒州刺史其碑則永淳三年立也昔宋歐陽文忠公為河北轉運使至真定見碑仆府門外半埋土中命工掘出立於廡下云

三公神廟碑

白石神君無極山二漢碑附

三公神廟在元氏縣西北

三里十封龍山下其廟兩兩相對若秦階六符之狀蓋

三台近於軒轅故廟於此山今榜曰天台三公之廟廟有漢封龍山頌碑一通漢三公山碑一通縣西故城西門外八都神壇亦有三公山碑一通漢光和四年常山相馮巡所立壇側又有唐三公山碑一通八都者總望八山而祭於此明帝永平中幸此詔復租稅六年勞來縣吏下及走卒皆蒙恩賜其後章帝北巡又幸元氏祀光武於縣堂祀明帝於始生堂皆奏樂焉白石神君碑無極山碑二漢刻皆在封龍山下

唐盧舍那珉像碑附鐵塔元氏縣城中開元寺有唐蔡有

鄰隸書盧舍那珉像一通歐陽文忠公曰唐世能名八
分者四家韓擇木史維則世傳頗多而李潮及有鄰特
為難得慶歷中昭文韓公始得此本有鄰小字尤佳若
石經藏讚崔潭龜詩與三代鼎彝何異也又云其碑石
刻在中山府城中蓋傳聞之誤耳開元寺內西北院中
有生鐵塔高四五丈其制亦機

定武蘭亭石刻舊在中山府庫中為天下名本今埋沒
不知所在昔唐太宗詔供奉臨蘭亭惟此本乃率更令
歐陽詢所搨也上命刻石留禁中以他本賜外臣一時
貴尚摹搨惟禁中石本獨完善至五代石敬瑭棄中國
而契丹耶律德光自中原輦寶貨圖書還北至殺虎林
而死永康立其國交兵遂棄石而歸慶歷中李學究者
得之韓忠獻壻始以墨本出示韓公索其石觀李遂瘞
地中李死其子出石始售於人每本必千錢由是好事
稍稍得之後李負官緡無償時宋景文公初守定武以

公帑金代李翰之取石匣藏於庫非故舊不得熙寧間
薛師正守是邦求者沓至薛惡其摹打之聲乃刻別本
於外以遺求者然此郡已有二刻真贗矣其子紹彭摹
他石以易元刻暗以自別遂於古刻湍流帶左右五字
各刻損二筆為記或謂古蹟仰字如針眼殊字如蟹爪
列字如丁形又云字微帶肉此為唐刻本也大觀中徽
宗詔取此石於薛氏家其子嗣昌進納御府上命龕置
宣和殿靖康金人陷汴京其石不知所存云金以紅綵

輦歸今東南諸刻無能彷彿者天台桑澤卿世昌編蘭
亭博議一書甚詳

趙州城東北三十里平棘縣境上古宋子城城中有漢
耿球碑一通作漢隸書蓋耿純宋子人也城西有耿鄉
漢光武封純為侯國世謂之宜安城至今民多姓耿皆
純之後也宋子故城即秦高漸離匿作宋子而歌之所
也按衛恒四體書勢曰鉅鹿宋子城耿球碑師宜官書
元術立球純之後云

徐整碑在栢鄉縣西南七十里栢鄉故城之西門內漢
栢人令徐君碑一通君名整桓帝時為栢人令有惠政
民懷之為立碑此即高祖動心不宿之地也

栢鄉縣城中通衢居民檐下栢鄉尉蘭君碑一通君名
儼字望之唐會昌間尉栢鄉有遺愛民伐石立碑潞州
進士張瓌製文將樹碑時皇叔觀察使完顏從郁適朝
京還因題詩一章於碑後曰卿材皆願識將軍事簡將
軍少出巡白酒不沽誰犯禁黃雞無禍得司晨問者撫

幼非千舉止祉停巫豈慢神數尺去思碑上語後官知
勸可書紳鄉人併刻其詩於碑後

吉日癸巳石刻四字周穆王所刻也昔在趙州贊皇縣
城南十三里壇山崖石之上穆天子傳云穆天子登贊
皇山以堅臨城置壇此山因以名焉癸巳誌其日也又
有四望山者謂穆王登山望祭四方者傳中但云登山
而不言石刻然字畫亦竒怪若杖畫狀土人謂壇山為
馬蹬山以其巳字之形類鞞也宋尚書廣平宋初以皇

祐四年秋自亳移鎮鎮陽道出趙州命人於壇山石壁
摸得此字時趙之守將武臣也遽命鑿山壁輦其字歸
趙龕之廳壁聞者莫不歎惋嘉祐己亥移置高邑縣廳
壁元至元二十三年乙酉復移龕贊皇廟學之壁云

藁城縣城中文廟內有漢藁長蔡湛碑一通光和四年
立并碑陰全廬陵歐陽文忠曰天章閣待制揚旼嘗謂
余言漢時隸書在者此最為佳旼自言平生學此字也
藁城縣九門城中有隋九門令鉗耳府君碑不載書撰

名字碑首題云大隋恒山郡九門令鉗耳清德之頌君
名徹華陰朝邑人本周王子晉之後避地西戎世為君
長因以地為姓曾祖靜魏馮翊太守祖朗成集二州刺
史父康周荆安寧鄧四州總管別駕龍門二郡守字畫
適勁非歐虞不能及也

九門城中有隋李康城清德頌碑一通不著書撰名氏
文為聲偶而字畫竒古可愛康隴西狄道人也碑首題
曰大隋冠軍將軍大中都督恒州九門縣令隴西李君

清德之頌字多訛闕其後曰十一年歲在辛亥大將軍
在酉二月癸丑朔十二日甲子建年上二字磨滅不可
識按隋開皇十一年歲在辛亥其二字乃開皇也大將
軍在酉之說出於陰陽家前史不載而見此併記之
藁城縣九門城西浮圖碑一通題云九門縣合鄉城人
等為國建浮圖之碑唐應詔四科舉董行文撰文清河
傅節德書唐高宗上元三年歲在丙子建浮圖在智短
寺寺今亦廢久矣

馮樂陵在新樂縣東北二十里即漢馮昭儀之墓也昔
昭儀隨其子中山孝王興就國王為母築宮為樂里以
居之樂里即今新樂城也昭儀在元帝之時有當熊之
功成帝優異之賜御服鼓吹鹵簿名其居曰樂里既終
勅葬樂里東北因名其墓曰馮樂陵云十二月原本缺
二字
早自新樂縣起午前至馮樂陵午飯遂至荒陵眺望而
去午後雪復大作

漢中山王陵安喜縣東唐河西北有二墳即漢中山哀

王憲王之陵世訛為二女陵非也哀王乃孝王之孫康
王之子寰宇記曰滏水又名唐河自唐縣界流入東注
京邱北對君子岸岸上有哀王憲王二陵又聞中山懷
王順王夷王數陵在安喜縣境內今皆不可考矣
李左車墓趙州城西七里清水之曲有高塚一所世傳
為李左車之墓塚上今為佛寺中有一井可汲餘無考
者塚上但有元魏景明二年所立兗州刺史李使君碑
一通而已

欒城縣西陲有村曰陳居陳餘墓在焉此餘遊趙日所
居死歸塋此

欒城縣城東石欄橋東二里有塚極高為漢蒲闕侯柴
武之墓也隋開皇間武有遠孫為浮屠氏曰英師并塋
於塚側今臺塚亦漢制也塚旁有臺頭寺俗訛為柴世
宗墓非也近塚曰柴村即武族之所居也

真定縣南十里古常山城下治河之濱荒塚隱然是為
漢膠東侯賈復之墓昔濬治河發古塚得骸骨異常身

河朔言言卷一
三
環鐵甲一戟在旁尋復得其墓志始知為賈復之墓也
太守馬公歛以衣衾更瘞之時燕南憲掾孫茂先見其
事後三十年告於郡知事王德禎因礮石請監察御史
揚君俊民為文刻諸石名曰懷賢之碑以表其墓其略
曰侯南陽人光武拜執金吾冠軍侯建武間封膠東侯
食六縣後罷將軍以列侯就第卒諡剛正按後漢書作
剛無正字
侯嘗破五枝於真定創甚光武念之約為婚姻卒後哀
其成績詔葬於此或史之所逸也又述宋洪适之言辯

論埋名之原以為自漢明帝時都尉路君墓闕始至為詳
博王君字祐之保定人好古篤實君子以余為忘年友
也楊君字杰郡人舉進士敷歷館閣今為國子司業亦
余之故人也

卽氏墓碑在新樂縣東南十五里曲都村有卽氏墓墓
林中有卽茂卽穎二碑皆李百藥撰宋才書字畫甚偉
碑云茂從煬帝幸江都而卒穎事唐為大理卿隋唐之
時屢更定律令蓋法律士也穎之碑陰題名云柱國府

僚佐三十二人常山公府國官一百七人合一百三十九人為一卷柱國府長史司馬掾屬各一人諮議記室司倉司功司戶司兵司鎧司法司田司士參軍事各一人又有參軍事五行參軍十人典籤三人常山國官國令大農各一人常侍侍郎國尉各二人典尉六人舍人四人城局廟長學官各一人食官廐牧各四人典府長一人典府丞二人親事七十五人穎以貞觀四年卒

真定之西關外社壇西北隅城濠之外真定縣境上也
有褚先生墓墓下小碣一道其略曰先生褚氏諱承亮字茂先宋宣和二年擢第調易州戶曹會金皇子即君破真定拘境內舊進士七十三人赴安國寺試策策司以上皇不道少至失信舉人希旨極口訛毀先生離席揖主文劉侍中曰君父之過豈臣子所當言耶長揖而出場屋劉為之動容比揭榜先生被黜餘悉放第狀元許必輩自號七十二賢榜時人謂先生曰有德先生朝

廷重其名命知藁城慢一應之尋解印去年七十終弟
子周伯祿等百餘人因私謚曰元貞先生云十二月蚤
謁拜墓下

真定縣北十五里大安鄉曹家疇道左墓碑題曰元故
僉浙東海左道肅政廉訪司事甄君之墓墓前一碑中
奉大夫陝西諸道行御史臺侍御史趙郡蘇天爵撰文
國子司業王理書翰林直學士謝端篆碑略曰君諱世
良字賢卿世為真定人年四十餘始遊江南試吏四明

擢浙東西憲掾進南臺察院受知文星帝尋貢中臺除
廣西廉訪知事遷帥府都事際遇今上於潛邸比紹大
統召君入朝臺臣奏為山南經歷上不允改通政都事
尋拜監察御史出僉浙東憲至元元年九月十八日卒
於金華官舍年六十八君在廣西調護聖躬風夜無懈
嘗書賢卿二字賜之及遷浙東又賜緡錢五千貫其恩
卷類此子二人曰英曰蒙云蓋君之在四明也與先君
子最厚善每過余家喜余誦讀語人曰此子可教也今

予自海上歸南陽將上京師道出鎮陽竊幸拜君之墓
嗚呼二十年之間見君之窮達生死而余栖遲草萊年
益邁而學益荒負君知人之鑑矣

真定縣北新城鎮南二里許墓林蒼蔚羊虎翁仲皆白
石鐫鑿極為偉壯是為嶺北行中書省郎中蘇君之墓
隧前一碑廼蘇氏先塋之記奎章閣侍書學士蜀郡虞
公集撰翰林承旨吳興趙文敏公孟頫書丹為二絕之
筆也君墓碑亦虞公撰其畧曰君名志道字子寧以吏

起家為丞相掾三命為樞密經歷延祐三年歲丙辰關
中有變遂及和林人大震恐並皆奔散會天大雪深丈
餘車廬人畜盡壓沒民皆枕藉相食道無行人朝廷起
拜君為中憲大夫嶺北等處行中書省左右司郎中君
請厚價募民粟至和林以賑飢民遂得全活明年行至
京師卒其子天爵奉柩歸塋於此天爵字伯修以文章
起家敷歷臺閣為時名人今以國子祭酒選為京畿奉
使宣撫十二月大雪留新城不得發至墓稍暗遂同李

河朔古蹟卷上
亨散步至墓上讀虞公所撰碑過墳庵又讀費著周伯
琦等燕南考試回題壁守墓者邀余二人啜茶且言昔
畊墓旁得古碑之蓋一段其制若今擣練方石字皆漫
滅不可讀蘇公定為碑蓋也蓋古人埋銘必以石覆其
碑恐土蝕其字畫故碑蓋則大篆其題目今之碑文曰
篆蓋即其遺意也

藁城縣東南二十里倪家莊側有唐倪若水墓莊多姓
倪氏皆若水子孫也若水字子泉擢進士開元初為中
書舍人尚書右丞出為汴州刺史政清靜興州縣學風
化大行未幾入為戶部侍郎復右丞卒

藁城縣二十里新興村淳南王先生墓在焉先生諱若
虛字從之金進士及第仕至翰林學士國初遁此自號
淳南遺老篤志經學尤長於經義南北師尊之以為法
後登泰山端坐而逝歸葬於此有慵軒集及經史諸書
辯疑行世墓前碑則元遺山所撰也有司今立祠縣學
以祀云

河朔訪古記卷上

河朔訪古記卷中

元納新撰

魏郡部

魏郡部彰德路禹貢冀州之域商河亶甲居于此戰國為魏之鄴地秦為上黨邯鄲二郡地漢置魏郡曹操受封于此稱鄴都後趙石虎前燕慕容皝並據之後魏曰相州東魏曰司州北齊改為清都郡唐曰相州又改鄴郡梁置昭德軍石晉改彰德軍金升為彰德府國朝先

屬真定路後改彰德路立總管府領司一縣三安陽湯陰臨彰州一林州

彰德路城中宋隸安陽縣國朝置錄事司以領之城之外仍屬安陽縣城郭周十九里總管府錄事司治及安陽縣治皆在城內焉

安陽縣春秋為戲陽戰國為魏寧新中邑秦更名安陽漢廢以其地入蕩陰屬河內郡魏併入鄴晉置安陽屬魏郡後周移相州及鄴縣於安陽故城治此隋復曰安

陽尋改堯城屬魏郡唐以安陽為相州治改堯城曰永定宋改永定為永和尋省入安陽及省鄴縣分其地半入焉宋金皆曰安陽縣國朝因之為彰德路倚郭縣湯陰縣古羗里之地戰國為魏之蕩陰邑漢之蕩陰縣屬河內郡晉屬魏郡後魏省隋改蕩源縣大業二年省唐初分安陽縣地入蕩陰屬衛州貞觀元年以蕩水微溫改為湯陰縣屬相衛州宋金國皆因之為彰德路屬縣云

臨漳縣本漢鄴縣地晉建興二年以愍帝諱改名臨漳
東魏孝靜置鄴縣於今鄴鎮又別置臨漳縣周武帝平
齊自鄴城移縣于今治仍屬魏郡南開皇三年改隸相
州十年分縣地置長樂縣大業十年始築縣城暨唐及
宋金皆為臨漳縣國朝因之為彰德路屬縣六
林州漢置隆慮縣東漢改隆為林隋折置湛陽縣後改
置巖州為金林州國朝至元二年復為縣又併輔巖入
焉未幾復為州割輔巖入安陽仍以州隸彰德路

磁州禹貢冀州之域春秋屬晉戰國屬趙秦為邯鄲郡
地漢為魏郡趙國地晉為廣平郡地後周置成安郡隋
置磁州唐天祐改惠州尋復磁州宋曰滏陽郡金以隸
彰德國朝屬廣平路領縣四曰滏陽邯鄲武安成安
滏陽縣漢為武安縣地魏置臨水縣屬廣平郡後周置
滏陽縣屬成安郡隋置磁州治于此唐宋金並因之本

朝為磁州倚郭屬縣按磁州滏陽縣惟金以之隸彰德
元本屬廣平路蓋是書為記遊覽
古而作路經滏陽歷記所見實未
遍歷洺邢也故附見于彰德路云

黃華谷天平山彰德之西九十里曰林州即古林慮縣也州西北二十里曰黃花谷谷多秋菊故名昔金翰林學士熊岳王公庭筠子端皆隱居谷中號黃花山主所居曰讀書巖公文章書法高出流輩字學米元章墨竹類文湖州金章宗所謂昔人君子者也谷之西南諸峰峭援竒秀林木陰翳仙宮佛廟金碧輝映巖崖泉石名號百什不可窮紀其迸珠簾桃花巖者不減天台赤城之勝其最知名者谷南之天平山硤谷寺也硤谷暮夜

陰崖石壁間燦然作金光若燈火神幻不可致詰前賢多作歌詩以紀曰金燈集

安陽縣北三十里臨漳縣南十五里鄴鎮之西曰蔡村有濁流奔迅俗謂之漳河也禹貢曰覃懷底績至于衡漳水經云濁漳之源出晉寧路長子縣西發鳩山東北流過壺關屯留潞縣合衆山之水其流始大又東過武安縣有清漳水自涉縣東南來注之其水合流謂之交

漳口清漳源出上黨沾縣大屯谷遂東過鄴縣西又東

東北過磁州武安與濁漳合

過三戶津又東北過洺州曲周平恩二縣又東北過冀州又東北過景州東光縣弓高鎮又東北過瀛州樂壽縣景城鎮又東北過平舒縣而入于海云漳水自出山至入海凡行一千六百八十里按史記魏文侯時使西門豹為鄴令豹即發民鑿十二渠引漳水溉民田民皆煩苦豹曰民可與樂成不可與慮始今雖患若百歲後期令父老子孫思我言民後果得其利至今鄴人祠祭不絕又西漢書文侯曾孫襄王嘗與羣臣飲酒祝曰令

吾臣皆如西門豹之為人臣也史起進曰魏氏之行田也以百畝鄴獨二百畝是田惡也漳水在旁豹不知用是不智也知而不興是不仁也仁智未盡豹何足法于是襄王使起為鄴令遂引漳水溉田揭水東注號天井堰里中作十二塏塏相去三百步使互灌注一注分十二流皆懸水門鄴人名曰晏陂澤河內之民以致殷富民歌之曰鄴有賢令兮曰史公決漳水分灌鄴旁終古烏鹵兮生稻梁今史漢所載二說不同余疑當時豹嘗

鑿渠而後湮廢至起紹修故民歌之今併錄焉十二月
蚤出彰德北門至蔡村西行三十里陘處作土橋以渡
時彰水退縮層冰峩峩逐流東下土人云春夏水漲至
與岸平闊可數里號小黃河又曰水旁多石子俗傳可
以暖腹又有紋石濱河之民取以為器貨之

安陽橋在安陽縣北五里橋下即洹水也洹水出上黨
洹氏縣洹山山在長子縣東過隆慮縣北黃水注之又
東北出山連逕殷墟東北過鄴城南謂之新河又東逕

安陽故城東過內黃縣北入於白溝云春秋左氏傳言
聲伯夢涉洹水杜預注曰洹水出汲郡林慮縣李宗諤
以此說為然遂言洹水源出林慮西北平地湧出初甚
微細東流九十里至安陽縣界泉脈漸大又曲而東北
入大名府洹水縣界今按水經所言洹氏在澤州高平
縣西並無洹水蓋縣邑遷改不常故酈元所記有異同
耳余嘗觀許敬宗論禹貢導洹水東流為濟入於河溢
為滎其說甚詳蓋天下之水無有不發源於山其有自

平地出者皆泱流再發也且濟水之源出王屋山之顛
泱流至平地再出即今濟源縣濟瀆廟泉是也今李宗
諤第見洹水初起林慮遂以水經所記為異殊不知林
慮乃泱流再發也呂悅字林許慎說文皆云洹水出晉
魯之間又言林慮黃水發源神困之山谷東流至谷口
潛入於地下東北十里復出於柳渚然則洹水泱流至
林慮再出蓋可信矣

蕩水出湯陰縣西石尚山

案太平寰宇
記作牟山

東流經縣故城

縣因水以取名又東北至內黃縣入於黃澤唐貞觀元
年改為湯水以其水微溫也

羗水在羗里北二里有橋曰羗橋橋下即羗水也水經
曰羗水出湯陰縣西北四十里西山韓大牛泉東經羗
城之北積水成淵方十餘步深一丈餘又東至內黃縣
與防會又東歷黃澤而入蕩水云

宜師溝在湯陰縣西南三十五里宜師站又在縣西南
二十七里又有宜師橋在站側

鄴宮元帝禪晉晉常館帝于此光熙元年夏五月馬牧
帥汲桑叛敗魏郡太守馮嵩遂陷鄴城燒宮旬月烟燄
不滅曹魏之殿閣蓋于此時盡矣至石勒將營鄴宮以
廷尉續咸尚書今徐光切諫而止後因霖雨中山西北
暴水漂巨木百餘萬株集於堂陽勒大悅謂公卿曰諸
君知此非為災也天意欲吾營鄴宮耳於是令都水使
者張漸少府任汪等監營勒親授規矩而建焉

鄴都南城在鎮東南三里半按魏孝文天和十八年自
雲中遷都洛陽經鄴宮留數日臨引軍發懸飯一瓢于
城門上而去尚書崔光語人曰掛飯者懸食也後世元
孫必興于此矣至孝武永熙三年高歡逼帝西入關乃
立清河王亶之子善見於洛陽東北改元天平以十月
丙子車駕北遷於鄴十一月庚寅至鄴居北城改相州
為司州牧以魏郡林盧廣平陽邱汲郡黎陽東濮清河
廣宗等為皇畿于城東置臨漳縣城西置鄴縣城東北
置成安縣臨漳三百鄉鄴縣五百鄉成安二百五十鄉

二年八月發衆七萬六千營新宮元象元年九月發畿
內十萬人城鄴四十日罷二年帝徙御新宮即南城也
又鄴中記云城東西六里南北八里六十步高歡以北
城窄隘故令僕射高隆之更築此城掘得神龜大踰方
丈其堵堞之狀咸以龜象焉按北史高隆之傳云隆之
領營構大將以十萬夫撤洛陽宮殿運於鄴構營之制
皆委隆之增築南城周二十五里以漳水近城乃起長
堤為防又鑿渠引漳水周流城郭以造水碾磴六

銅爵金鳳冰井三臺皆在臨漳縣鄴鎮東南二里古鄴
都北城西北隅因城為基三臺相距各六十步中為銅
爵臺南為金鳳臺北為冰井臺此蓋曹操於漢獻帝時
為冀州牧所築也鄴中記曰建安十五年銅爵臺成操
將諸子登樓使各為賦陳思王植援筆立就金鳳臺曹
公初名金虎至石氏改今名冰井臺則凌室也金虎冰
井皆建安十八年建也魏銅爵臺高一十丈有屋一百
二十間周圍彌覆其上金虎臺有屋百三十間冰井臺

有冰室三與法合皆以閣道相通三臺崇舉其高若山云後至趙石虎三臺更加崇飾甚於魏初于銅爵臺上起五層樓閣去地三百七十尺周圍殿屋一百二十房房中有女監女妓三臺相面各有正殿上安御牀施蜀錦流蘇斗帳四角置金龍頭銜五色流蘇又安金鈕屈戌屏風牀牀上細直女三十人牀下立三十人凡此衆妓皆宴日所設又於銅爵臺穿二井作鐵梁地道以通井號曰命子窟於井中多置財寶飲食以悅蕃曰聖客井又作銅爵樓巔高一丈五尺舒翼若飛南則金鳳臺有屋一百九間置金鳳於臺顛故名北則冰井臺有屋一百四十間上有冰室室有數井井深十五丈藏冰及石墨石墨可書又爇之難盡又謂之石炭又有窖粟及鹽以備不虞今窖上石銘尚存焉三臺皆磚甃相去各六十步上作閣道如浮橋連以金屈戌畫以雲氣龍虎之勢施則三臺相通廢則中央懸絕也又按北史齊文宣天保二年發丁匠三十萬人營三臺於鄴因其舊基

而高博之構木高三十七丈兩棟相距二十餘尺工匠
危怯皆繫繩自防文宣登棟脊疾走了無怖畏時復雅
舞折旋中節觀者莫不寒心又召死囚以席為翅從上
飛下不死免其罪戮臺成改銅爵曰金鳳金虎曰聖井
冰井曰崇光云至後建德七年三臺遂廢及隋大業三
年韋孝寬討尉遲迥遂焚毀蕩徹了然空虛矣十二月
余過鄴鎮登三臺眺望見其殘邱斷隴而問諸山僧野
老猶能於荒烟野草中指故都西陵之遺跡相與悲慨

且言銅爵臺今周圍止一百六十餘步高五丈上建永
寧寺金鳳臺周圍一百四十餘步高三丈上建洞霄道
宮冰井臺則北臨漳水周圍止一百餘步高三丈為漳
水衝嚙一角已崩缺矣余聞世傳鄴城古瓦研皆曰銅
爵臺瓦磚研皆曰冰井臺磚蓋得其名而未審其實夫
魏之宮闕焚蕩於汲桑之亂及趙燕魏齊代興代毀室
屋尚且改易無常况易壞之瓦礫其存於今者亦幾希
矣按鄴中記曰北齊起鄴南城其瓦皆以胡桃油油之

油卽祖珽所作也蓋欲其光明映日歷風雨久而不生
鮮耳有筒瓦者其用在覆故油其背有版瓦者其用在
仰故油其面筒瓦之長可二尺闊可一尺版瓦長亦如
之但闊倍耳今其真者皆當其油處必有細紋俗謂之
琴紋有白花謂之錫花相傳當時以黃丹鉛錫和泥積
歲久故錫花乃見然亦未言其信否也古磚大方可四
尺其上有盤花鳥獸之紋又有千秋及萬歲之字其紀
年非天保卽興和蓋東魏北齊之年號也又有筒瓦者

其花紋年號與磚無異蓋當時或用以承簷溜故其內
圓外方有若筒然亦可製而為研然則世所傳有古鄴
研多北齊之物耳鄴人有言曰曹魏銅爵臺瓦其體質
細潤而其堅如石用以為研不費筆而發墨此乃古所
重者而今絕無蓋魏之去今千有餘年若其瓦礫皆磨
滅為塵矣且齊之磚瓦至今亦五六百年村民培土求
之往往聚衆數百人而踰年不得一二全者則鄴人所
謂銅爵冰井者蓋特取其名以炫遠方其不知者從而

信之今鄴人偽造彌衆惟嘗識者知其不如古耳故荆
國王文公有詩曰吹盡西陵歌舞塵當年屋瓦始稱珍
甄陶往往成今手尚記虛名動世人蓋當時亦有此嘆
也夫古之真瓦不期於為研今之偽瓦止期於為研甚
甄陶固精于古然其質終燥其用不久者大力勝故也
雖和以黃丹鉛錫烏能作潤哉惟之古磚瓦散沒土中
千餘載感霜露風雨之潤火力既盡復受水氣此其所
以含蓄潤性而滋水發墨也

華林苑在臨漳縣鄴城東二里苑後即南鄴城之西也
按石虎時有沙門吳進言趙運將衰晉當復興宜役晉
人以壓其氣虎於是使尚書張羣發近郡男女十六萬
車萬乘運土築華林苑周回數十里及築長牆數十里
趙攬等上疏切諫虎大怒曰牆朝成夕壞吾無恨矣乃
從張羣以燭夜作起三觀四門通漳水皆設鐵扉暴風
大雨死者數萬人又鑿北城引水於華林園城崩壓死
百餘人虎於苑中植人間名果作蝦蟆車箱闊一丈深

一大合土載花木所植無不榮茂至高齊武成間增飾華林苑若神仙所居改曰仙都苑苑中封土為嶽皆隔水相望分流為四瀆因為四海匯為大池曰大海海中置龍舟六艘其行舟處可廿五里又為殿十二間於海中五嶽各有樓觀堂殿四海中亦有宮殿洲浦其最知名者則北岳之飛鸞殿北海之蜜作堂也飛鸞殿十六間以青石為基珉石為礎鏤刻蓮花內垂五色珠簾緣以麒麟錦楹柱皆金龍盤繞以七寶飾之柱上懸鏡又

用孔雀翡翠山雞白鷺毛當鏡作七寶金鳳高一尺七寸口銜金鈴光彩奪目人不能久視也密作堂周回廿四架以大船浮之以水為激輪堂為三層下層刻木人七彈箏琵琶篳篥胡鼓銅鈸拍板弄盤等衣以錦繡進退俯仰莫不中節中層刻木僧七人一僧置香奩立東南角一僧執香爐立東北角五僧左轉行道至香奩所以手拈香至香爐所其僧授香爐於行道僧僧以香置爐中遂至佛前作禮禮畢整衣而行周而復始與人無

異上層作佛堂旁列菩薩衛士帳上作飛仙石轉又刻
紫雲左轉往來交錯終日不絕皆黃門侍郎博陵崔士
順所製竒巧機妙自古罕有其苑中樓觀山池臺殿自
周平齊之後皆廢毀矣今其基址詢之故老猶能紀其
萬一余以記載可考者錄叙如右

彰德路總管府治後花園曰康樂園昔宋至和中韓魏
公以武康之節歸典鄉郡因闢牙城作甲仗庫以備不
虞遂大修亭池名曰康樂園取斯民共樂康時之義故

云魏公自為記書而刻諸畫錦堂上園中舊有七堂曰
畫錦燕申自公榮歸忘機大悲涼堂又有八亭曰御書
紅芳求已迎合狎鷗觀魚曲水廣春又有休逸飛仙二
亭故老相傳黃堂廳事肇啟建於節度韓重贊宋太宗
歸自河東視其廳曰朕之所居亦不過也上欲留宿重
贊奏曰臣以一方之力積歲成此今陛下居一夕即虛
之矣不免勞民重建乞賜守臣豈勝榮幸上乃命設幄
宿于廳下而去至魏公大加完飾郡解園亭雄壯華麗

甲於河朔又傳休逸堂魏公取鄴城冰井臺四鐵梁為柱初鐵梁棄鄴臺歲久光瑩無蘚剝人以為神物訶護不敢動及以為臺柱羣疑始定今園亭廢毀皆不可考惟飛仙臺基在府治敏功堂後今構觀音堂其上臺北十餘步踰小巷後園有休逸臺基面山亭基金節度完顏熙載作養素樓其上今廢其碑尚存其餘則不可知矣畫錦堂記碑今移至魏公祠堂云公有康樂園詩曰名園初闢至和中思與康時共樂同一紀年光雖易老萬家春色且無窮歸來敢銜吾鄉勝到此須知舊鄴榮病守縱疲猶強葺欲隨民適醉東風十二月余至彰德府治後因游康樂園今皆菜畦麥隴可考者惟休逸臺荒基餘皆不復辨矣

彰德路城中富財坊南街西第二巷間門扁曰胡公里故胡按察私第在焉公諱祇適字紹開武安人也祖父俱第進士公北度居相州六十年既卒監郡伊爾布哈中順尊墓德望即所居立胡公里

緱山書院彰德路城南門大街道左高綽門榜曰杜文
獻公緱山書院諱英字文玉信安人也避亂居維陽謀
隱緱山故以此自號云甲辰間尼瑪哈行省徵至彰德
辟為詳議官不就遂隱居教授日與王鹿菴劉神川侶
和為樂中統元年世祖聞其賢命為大名等路提舉學
校官年七十卒葬安陽縣西十里王裕村今其孫秉彝
字德常以鄉貢進士積官中書左司郎中請建書院因
贈資德大夫翰林學士魏郡公謚文獻設緱山書院列

於學官云

雀城湯陰縣東北三十五里有城周回二百步高二丈
土人呼為雀城世傳文王死於羗里武王築此城以望
之有赤雀見因名云

涼馬臺湯陰縣北十二里有臺高三十尺周回五百步
曰涼馬臺按鄴中記曰後趙石虎所築建武六年虎都
鄴洗馬於洹水築此臺以涼馬故以名云

觀音禪院八角彰德路城中豐安坊有寺曰觀音禪院

唐天禧二年所建寺有八角井父老相傳井中嘗有雲氣如虹衆謂有寶探之其深不可測郡人周邯得崑崙奴善入井曰水精使之入井底良久出曰一黃龍抱數顆月明大珠熟睡水精驚亦病死初州城在井北避洄水泛溢南徙乃包此井于城中云

隋龍興寺碑在彰德路北關外古寺坊東龍興寺寺前豐碑一通是為隋龍興寺范陽張庭珪八分書其文則相州刺史越王撰蓋所謂信行禪師傳法碑也

陶唐廟在安陽縣西北六十里乞伏村廟有金應奉翰林文字同知制誥趙秉文所撰碑一通并書篆額後銘曰鬼神睢盱伏羲受圖人文權輿彝倫既叙五穀既敷唐文煥乎披昏挾塗藥民之愚有典有謨位非我娛萬民其孥丹朱其疏陸水其都人蠱其居吁嗟都俞思漸於膚今其已夫祝焉忽諸遣祠路隅田婦耕夫或祝或巫白馬同車清風肅如神來有無清漳之墟歲熟萬區神游藐姑明昌有道千載同符擊壤康衢走不知乎今

世陶唐氏之民歟

湯聖王廟在安陽縣西北五十里廟有少中大夫山東東西道按察使胡祇道所撰碑

羗里城文王廟羗城在湯陰縣北六里道左朱綽門門榜題曰羗里城周文王之廟其城周圍二百五十步高二丈餘門榜則正議大夫河南江北道肅政廉訪使康里回回所書也廟有一碑則太常博士借注戶部員外郎兼奉翰林文字胡祇道記大元至元六年夏十有二

日建廟壁龕翰林承旨永年王磐五言古詩石刻一通按史記音義羗里蓋獄名也夏曰均臺商曰羗里周曰囹圄皆負土也又按史記崇侯虎譖西伯於商紂紂囚之羗里西伯廼演周易作六十四卦其臣閔夭太顛之徒求有莘氏美女驪戎之文馬九駟及他竒怪因商嬖臣費仲獻之紂紂大悅乃赦西伯賜之弓矢鈇鉞使得征伐又曰紂囚文王將殺之或曰西伯聖人也不可殺紂曰吾聞聖人有靈德吾將驗焉乃殺伯邑考醢之以

河漢言古詩卷中
食文王文王食之已而嘔於羗里之門外于是衆信文
王為聖人因以土封其區處謂之嘔子冢其冢今尚存
土人訛為狗子冢云王承旨鹿菴廟壁所刻詩曰羗水
淺且清羗里餘荒城文王德如日曾此夷其明陝樹憩
召伯箕山栖許生後人起敬爰木石含芳榮嗟爾一坯
土耕犁未全平千秋不磨洗永被囚聖名我行蕩陰道
遇之為停征念昔有殷季虐主方狂醒銛鋒戮賢聖若
刈寸草莖左啖鄂侯脯右啜鬼侯羹茲時無羗里何以

紆淫刑羗里深杳杳羗城高亭亭君王在縲紲不異南
面聽淑氣發神慮淳和助心靈演開伏羲畫剖出天地
精一時雖冥昧萬古垂日星若無羗里拘易經何由成
易經在所重羗里那可輕康里公字子淵積官至遼陽
平章布呼密文貞王之子翰林承旨庫庫之兄父子皆
國之名臣也

西門豹祠漳水之上有祠門扁曰西門大夫之廟按魏
文侯使西門豹為鄴令至鄴會長老問民疾苦對曰若

為河伯娶婦豹問其故曰鄴俗祀河伯巫視民女好者云當為河伯婦即聘取治齋宮河上令女齋戒十日乃洗浴粉飾如嫁狀令坐牀上浮河中行十餘里女乃溺俗傳否則漂沒其民人久以為然故三老廷掾歲斂民錢數百萬止用二三十萬與巫祝共分餘錢持歸故民有好女者皆遠逃去鄴民困貧其所由來久矣豹曰至為河伯娶婦願幸相告吾亦往送女衆曰諾至其時豹往會其巫媼年七十餘從弟子女十人皆單繒為衣立

大巫後豹呼婦視其妍醜巫引女出惟豹曰是女醜不足為河伯婦煩大巫媼入報河伯更求好女它日送之即使吏卒抱巫媼投河中有頃曰何久也弟子當趨之乃投一弟子河中有頃曰何久也復投一巫凡投三弟子豹曰巫皆女子不能白事煩三老入白之復投三老河中豹簪筆磬折向河立待顧曰巫媼三老不來奈何當使廷掾長者一人趨之皆叩頭流血豹曰河伯豈常留客哉于是衆誓不敢為河伯娶婦皆罷歸矣淫祀遂

絕豹又鑿漳水溉田五百餘頃民甚德之因建祠云廟
有宋修祠碑一道則錢塘楊蒙所撰其畧曰元祐八年
癸酉余奉檄策委定武將亂衡漳遲舟于客館父老集
琴堂下曰此地之東有祠云西門大夫雖時祭不乏而
廟制湫陋邑大夫君行農而謁焉愴然虔矚廼鳩工修
祠云其後辭曰漳水可涸兮君之澤方洋洋西山可頽
兮君之名方巍巍新厥宇兮神妥斯琢諸石兮來者師
十二月至祠下拜謁讀碑而退史云廟東北曰永樂浦

浦西五里俗謂之祭陌即西門豹投巫之所也案晏殊

陌河作
紫陌河

扁鵲廟碑在湯陰縣東南二十里伏道村村之道左一
碑題曰神應王扁鵲之墓其廟併在墓側廟有二碑一
碑教授張仲文撰一碑大中大夫江南淞西道提刑按
察使武安胡祇適撰墓旁生艾治疾為天下第一今每
歲充貢云伏道者昔商紂知獄繁民怨乃置防城以兵
防羸里之囚又伏兵于道左故云廟壁有左司劉昂題

詩一首曰昔為舍長時方技未可錄一遇長桑君古今
皆嘆服天地為至仁既死不能服先生妙藥石起甯效
何速日月為至明覆盆不能燭先生具正眼毫釐窺肺
腹誰知造物者禍福相倚伏平生活人手反受庸醫辱
千年廟前水猶學上池綠再拜乞一杯洗我胸中俗宋
仁宗景祐元年九月詔封扁鵲為神應侯因上疾愈從
醫許希有之請今日神應王未知何代所封也

尉遲公廟碑彰德路城中晝錦坊後周太師蜀國公尉
遲迴之廟在焉迴為周將征伐有功初滅北齊以迴為
相州總管至隋文帝以計徵迴欲圖之迴迺率諸州舉
兵數十萬及為楊素韋孝寬高潁等師所敗遂上樓自
殺至唐開元中州多怪厲刺史至輒死吏民疑懼于是
刺史張嘉祐以迴死國難忠臣也為立祠以祀之後刺
史吳克復加以冕服初嘉祐之建祠也顏真卿為記其
事蔡有隣書之碑陰紀迴靈異之事言雨暘隨禱輒應
回風驅蝗使境內無害每至秋夜有雙鶴下集廟庭郡

人至今稱以為異云唐張嘉貞宋璟皆刺相州有惠政
 今並配食廟庭魯公所撰碑略曰有周上柱國蜀國公
 河南尉遲迴字居羅按周書作薄居羅代人也因部立家遂雄
 荒服父俟兒案周書作俟兜尚魏太祖姊昌樂公主贈太傅迴
 仕魏為散騎侍郎歷大丞相帳內都督尚金明公主進
 爵車騎將軍領侍中尚書左僕射伐侯景有功詔兼梁
 益等十八州事周之興也進蜀國公邑萬戶總秦衛文
 康十四州事大司馬冊太師加上柱國授相州總管宣

皇晏駕京師將徵公公以隋公當權辭不受代公子魏
 安公沁東之敗也公錄中尚整按周書迴別統萬又皆
 猶背城請戰黃龍已潰則登樓自裁又云公凡事二伐
 易九朝忠不辱隋節能奉上唐武德中改塋表墓開元
 丁丑乃建廟云開元二十六年二月二十一日華州鄭
 縣尉閻伯璵叙秘書省校書郎顏真卿銘蔡有鄰書
 彰德城中嘉惠曲畫錦坊故宋丞相魏國忠獻韓公琦
 之廟在焉重門修廡中為大殿殿肖公像袞冕龍榻侍

從之臣相向拱立儼然廟堂氣象蓋公熙寧初力辭上
宰再典鄉邦未半歲河北地震水災命公安撫四郡移
鎮大名相人思之即公畫錦坊故第築生祠以祠公廟
昔有宋中書舍人王覲所撰碑兵毀不存國朝重建廟
碑一通晉州判官高書訓所撰高公太原人官至國子
博士故尚書高鳴雄飛子也庭西畫錦堂記碑一通至
元間再摹而刻宋參知政事歐陽修撰翰林學士蔡襄
書龍圖學士邵必大篆世稱為四絕碑云府學之西亦
有公祠堂宋鄂州嘉魚令邱廓為撰廟記其碑今置府
學儀門下安陽縣治之南護國顯應廟西隅亦有公廟
蓋宋勅建者郡人稱為雙廟也至若大名府之廟碑則
丞相溫國文正公司馬光撰磁州之廟碑則知真定揚
子縣事徐薦撰其陝西之秦州河東之太原淮南之揚
州河北之真定暨中山府皆有公廟大河南北凡八所
至今皆祀之不絕也畫錦新廟殿壁龕公書畫錦堂詩
石刻一道詩曰重向高堂舉宴杯四年牽強北門廻故

園風物都如舊多痛襟懷遂一開白髮恥夸金絡騎綠
陰欣滿石梁臺因思前彥榮歸者未有三曾畫錦來西
廡則有郡人緱山杜英所題詩扁詩曰輪困日下五雲
飛此是先生唱第時龍上青天蛇有力鼠潛舊穴馬空
肥縱橫邊議三千牘照耀身名六一碑壞壁百年遺像
在郡人爭看錦為衣按公薨於相之府治英宗震悼命
陪塋山陵其家懇辭乃命入內都知張茂則勅塋公於
安陽縣西北三十里豐安鄉天子御製碑文題曰兩朝

顧命定策元勳之碑命龍圖閣學士宋敏求即墳所書
冊賜守墳寺曰傳孝報先之寺云十二月余偕下邳人
李亨至祠下謁拜讀庭下二碑及讀詩扁而退

安陽縣西北五里四十步洹水南岸河置甲城有塚一
區世傳河直甲所塋之所也父老云宋元豐二年夏霖
雨安陽河漲水嚙塚破野人探其中得古銅器質文完
好畧不少蝕衆恐觸官法不敢全貨于市因擊破以鬻
之復塞其塚以滅跡自是銅器不復出矣

黃堆塚在河亶甲西南世傳乃河亶甲后之塚也

魏武高平陵在鄴鎮西南三十里周迴二百七十步高一丈六尺十二月余登銅爵臺西望荒郊煙樹永寧寺僧指示余曰此曹公之西陵也

曹操疑塚在滏陽縣南二十里曰講武城壁壘猶在又有高臺一所曰將臺城外高邱七十二所參錯布置壘然相望世云曹操疑塚初操之塋以惑後人不致發掘故也塚間有曹公廟殿屋甚華麗廟北一高邱之前鉅

碑一通螭首龜趺齊思王之碑姜一芝所撰云西望西陵不十餘里烟樹歷歷可見十二月余按轡其間自午抵暮縱橫出入墓中不知所向噫何其用心之詐也使操能見武侯八陣圖則有愧多矣

朝陽陵在臨漳縣鄴鎮東北九里即魏文帝文昭皇后朝陽陵也按魏略甄后中山無極人初嫁袁紹子熙及魏文帝破鄴文帝時為太子因納為夫人生明帝為郭后所譖賜死後文帝以郭后無子詔為養子明帝以母

不以道終意甚不平嘗從文帝獵見子母鹿文帝射殺鹿母遂使射其子帝曰陛下已殺其母臣不忍復殺其子因涕泣文帝收弓矢大奇之而建儲之意遂定及帝即位追諡曰文昭皇后太和四年使太常卿甄霞持節改塋于朝陽陵今陵旁一塚父老曰李夫人塚后與夫人甚相善故得祔塋焉

安陽縣東四十里永和鎮城西二百步漢樂巴廟在焉范蔚宗漢書樂巴魏郡內黃人也好道而性質直順帝

世累遷為太守後為尚書以上書極諫起憲陵侵毀小民墳塚下獄禁錮還家及陳蕃竇武輔政召拜議郎蕃武被誅巴復上書極理其寃帝怒下詔切責收付廷尉巴自殺遂歸塋而邑人於此立廟云墓在鎮東南二十六里周迴一百步高二丈云

晉嵇侍中廟基湯陰縣西南一百二十步曰浣衣里道左小碣題曰晉忠臣嵇紹之墓墓周迴二百步高二丈餘廟在墓側有宋碑一通乃淮南節度使司徒兼侍中

判大名府兼北京留守司事大名府路安撫使魏國公
韓琦記并書熙寧三年八月十五日縣令張琳立石其
碑曰夫以忠事君人臣之常分也然遭大變臨大節或
心無所主為禍福所動以苟一時之生而貽萬世之戮
者多矣若其鼎鑊在前鋒刃加己能挺然知義之所在
分固當爾輕其命若鴻毛然卒死而不顧者幾何人哉
惟晉侍中贈太尉忠穆懿公則其人也方惠帝昏弱諸
王肆亂各萌僭奪以相屠害故帝之北征也公馳赴行

在力當國難而成都王穎以兵犯乘輿衛從奔散獨公
端冕侍側以身扞帝至血濺御衣而殞嗚呼公之知義
明分可謂得其死不為難也故其大忠偉節赫然與日
月爭光宰然與山嶽爭高天地不可窮而公名亦可不
窮矣宜乎百世之下有國家者欽遺風想餘烈置祠奉
祀永遠不絕也相之湯陰即公死難之所其廟在焉前
之為邑者不知追顯忠義為政所先因循不葺底於大
壞今令張君琳至則首拜祠下觀其隳敝之甚驚而嘆

曰茲不職之大者也亟舉公事跡與天朝廷崇祀之意
諭於邑民民皆欣然願共力以完之令乃寬與之約聽
其營辦不數月而祠宇一新于是民益知夫人賢之忠
於國者雖死於不幸後世必載祀典嚴廟貌奉事尊仰
之如此皆思勉而為善自一邑而推一郡繇一郡而推
諸四方則其為勸也豈小補哉廟完具書來告以余嘗
兩守鄉邦願志本末噫忠義之心人皆有之但勉而不
力執之不固遂不至于古人余亦勉而執之者跋忠穆

之風尤寤寐以自激文雖甚陋惡敢吝而不書又晉書
載公死難血濺御衣事平左右欲澣帝衣帝曰此愁侍
中血勿去詔塋縣南賜曰澣衣里仍立廟焉廟有國朝
翰林承旨鹿庵王磐律詩一首曰十載家艱恨未消又
持手版事昏朝已知定亂功難就猶幸臨危節可要忠
血數斑霑藻火英名千古迫雲霄一盃欲酌祠前土野
鶴昂藏未易招磐字文炳廣平人正金進士八國朝累
官至承旨致仕居東平年九十二歲卒諡曰文忠十二

河朔言古詩卷中
月蚤至湯陰南門拜謁廟墓讀碑而去余嘗讀趙文敏
公松雪齋文集有紀夢嵇侍中曰延祐元年十一月十
九日彰德朱長儒道其邦人之意求書晉嵇侍中之廟
六字余每敬其忠節不辭而書之運筆如飛若有神助
是夜京口石民瞻館于書室中夢一丈夫晉人衣冠蓬
首玄衣流血被面謂民瞻曰我嵇侍中也今日趙子昂
為余書廟額故來謝之民瞻既覺猶汗流亦異事也翰
林學士承旨榮祿大夫知制誥兼修國史吳興趙孟頫

志

臨漳縣南鄴鎮西北五里紫陌側晉高僧佛圖澄墓在
焉澄天竺人俗姓帛氏永嘉年來洛陽雖未嘗讀儒家
書與一時學士辨論無能屈者澄身長八尺腹旁一竅
常以絮塞夜欲讀書則拔其絮竅中光出照於一室又
常至水際引腸滌之還內腹中善誦神咒役鬼神以麻
油雜燕支塗掌上則洞見千里外事今齋戒者皆得見
之又能聽鈴音以言吉凶無不驗石勒兵屯葛陂大殺

沙門澄匿勒大將郭黑略家黑略言於勒召試道術取鉢水咒之生青蓮花勒由是信之勒之獲段末波擒劉曜皆先驗澄之鈴音也至石虎傾心敬事使衣綾錦乘雕輿太子常侍皆舉翬扶翼升殿主者唱大和尚羣臣皆起以彰其尊後虎大饗太武殿澄吟曰殿乎殿乎棘子成林壞人衣乎虎發殿石視之果有棘生焉澄意本在冉閔小字棘奴也澄還寺獨語曰得三年乎自答不得又曰得二年一年百日一月乎自答不得遂不復言

謂弟子曰戊申禍亂漸萌己酉石氏當滅吾及其未亂先化去矣遣人與虎辭虎詣寺見澄澄曰出生入死道之常也修短分定非所能延今意未盡者以國家心存佛理崇顯寺廟宜享休祉奈何布政猛烈終無福祉若降心易慮惠此下民則國祚延長道俗慶賴歿無恨矣虎知必逝悲慟嗚咽即命於漳水西紫陌鑿壙營壽藏十二月八日澄卒於鄴宮寺是歲晉永和四年也後有沙門雍州來稱見澄西入關虎發壙視之惟一石虎惡

之曰石者朕也塋我而去吾將死矣明年虎果死
湯陰縣北十里有古壘南北斜長五里父老云唐九節
度師營壘也壘東北有萬人塚即九節度潰兵之遺骸
乃節度使薛嵩掩骨作此大塚命幕府御史陸長源撰
記刻碑立塚上云

安陽縣西北五十里水治村魏國韓諫議墓在焉諫議
丞相忠獻公父也神道之碑則樞密使富弼撰翰林承
旨王珪書碑首題曰宋故大中大夫行右諫議大夫南

陽郡開國男贈開府儀同三司太師中書令兼尚書令
魏國公韓公神道碑銘其碑略曰公諱國華字光弼太
宗初中興國二年甲科授大理評事通判瀘州遷右贊
善大夫改彰德節度判官盡挾姦隱諸豪不敢犯升秘
書省著作郎監上蔡稅以監察御史召望高臺閣屬天
子議復燕薊揣廷臣勇而善辭令者諭高麗西攻契丹
以分其力既曰非韓某不可即假以太常少卿為使公
馳舸至其國其王負固不受命公諭以禍福王大恐遣

大將領兵數萬渡涇江以侵契丹公復命天子大喜拜
左拾遺直史館賜五品章服兼判登聞鼓院入三司為
開封推官遷左司諫充鹽鐵判官久之契丹大將蕭寧
使叩雄州約戰知州留福信之以聞天子因思高麗功
立命公走雄州按其事亦令代福作報書索其情偽寧
之意欲我先發公固願息兵養民念國體不可屈書乃
謝使者急令備邊還奏天子又大喜歷判鹽鐵度支戶
部三司院有密讒於帝者帝雅信公詔總判三司賜三

品章服公益奮條三司不便事二十七上之官民偕利
遂著為法俄而出為京東轉運副使即拜峽路轉運使
真宗即位入判大理寺秩凡五遷為職方郎中出知河
陽徙潞州契丹入掠河朔公以精騎屯吳二谷契丹不
敢犯境帝嘉之褒以璽書契丹再至澶淵首命公假秘
書監為國信使江南飢又遣巡撫一道還朝權開封府
判官出知曹州徙泉州天子封泰山擢諫議大夫召歸
道病卒於建陽驛泉人聞之傾一州來會哭朝廷舉卹

典賜一子官公六子球德清尉珙將作簿琚兩浙轉運
琬河陽參軍璩秘書著作郎不幸繼亡琦相仁宗皇帝
被遇今天子立為門下侍郎兼兵部尚書同中書門下
平章事昭文館大學士魏國公望重天下勛冠列辟以
公積德儲慶所宜享厚報然恨公早世不克待其發而
發于丞相丞相以似以繼其傳之者其可涯邪銘曰士
孰不官公官獨難使臨東夷跨海渺漫指揮出師勢分
狄患王始倔强恃遠且艱視詔揀刺不奉其虔公怒移

書以訶以譎諭以禍福日月之觀王雖島首聞義惕然
發兵饋糧革頑易慍對廬禱薩伏命館門能俾遠人舉
國奔職不憚已勞不畏隣隙又俾強敵斂其毒螫二邦
田公一舉斯得繼走朔陸議收戈戮坐策立判敵姦不
施不為其欺國不挫威兩使外禦天子再怡出知四州
大用是宜而卒不用讒人之為復不永年道卒不歸遐
邇奔赴與考同之位不都躬萃于幼嗣曰將曰相勲德
名世本志源流公得何異何以畀之天相其類天寶使

然人亦靡然書之冥然其昭昭然

劉神川先生墓安陽縣南關焦菴道士劉神川先生墓
殞之所也先生名祁字京叔潭源人金狀元南山翁為
之曾孫正大間監察御史從益字雲卿之子先生與弟
郁字父季皆以文章德行馳譽大河南北後寓輝州甲
辰尼瑪哈中書招置幕下年四十七卒有神川遜士集
行世又著歸潛志以紀金末喪亂之事與太原元裕之
壬辰禱編關西揚奐然天興近鑑東明王百一汝南遺

事微有異同今修三史金國之事益多取其語云

河朔言古記卷中

河朔訪古記卷下

元納新撰

河南郡部

河南郡部河南府路禹貢豫州之域周武王定鼎於郊
鄜則今王城也成王卜纒水東澗水西即今府城也秦
置三川郡謂大河伊洛三川也項羽以瑕邱市陽為河
南至漢為河南郡光武都洛陽魏置司州襲都於此西
晉亦都洛宋孝武自此遷都長安東魏改洛州周大象

間為東京置洛陽郡隋為洛州大業間遷都於此改曰

豫州尋為河南郡唐復為洛州號曰東都五代梁改西

京宋為西京河南府金改曰金昌府全勝軍國朝改曰

河南府路領州一曰陝州陝州統縣四曰洛陽曰偃師

曰登封曰鞏

謹案元史地理志當作領州一縣八縣曰

州曰陝州陝州統四縣曰陝縣靈寶閿鄉澠池

洛陽縣周之下都是為成周也漢為河南郡治曰平陰

縣東漢改洛陽縣晉曰金墉城唐曰來庭縣神龍初仍

改洛陽宋金因之國朝為河南府路附郭縣

白馬寺洛陽城西雍門外白馬寺即漢之鴻臚寺也永

平十四年摩騰三藏法師以白馬馱經至此因建寺以

白馬名焉鴻臚寺漢為掌四譯客官署三藏以西域僧

故得館于此自古惟官府有寺佛廟得名蓋踵鴻臚之

名始于白馬也寺有闕聖堂一所世傳三藏與褚善信

讎校經義之所又有三藏贊碑一通撰文書篆皆宋真

宗御製也又有翰林學士蘇易簡所撰碑一通備載寺

之興廢始末甚詳至欽宗靖康時毀于金人兵火逮國朝至元七年世祖皇帝從帝師帕兒巴之請大為興建門廡堂殿樓閣臺觀鬱然天人之居矣庭中一鉅碑龜趺螭首高四丈餘碑首刻曰大元重修釋源大白馬寺賜田功德之碑榮祿大夫翰林承旨閻復奉勅撰碑曰聖上大德改元之四年冬十月釋源大白馬寺告成詔以獲國仁王寺水陸田在懷蓋六縣者千六百頃充此恒產永為皇家子孫祈福之地仍命翰林詞臣書其事

于石臣復謹按清慧真覺大師文才所具事蹟漢永平中摩騰竺法蘭以白馬馱經至於西域初假館于鴻臚後即東都雍門外建白馬寺為譯經之所嗣後沙門踵至若康僧會之於吳佛圖澄之於晉鳩摩羅什求那跋摩之於宋玄奘無畏之於唐千載而下經論日繁教風日競北至幽都南踰瘴海東極扶桑西還月窟蓮宮梵宇彌亘大千實權與于此繇歷劫火寺之興廢有可考者宋翰林學士蘇易簡文石在焉國初有僧白英山王

以鑿術居洛罄藥囊之貲謀為起廢或訝其規模太廣
工用莫繼則曰茲寺中華佛教根抵他日必有大事因
緣余第為張本爾至元七年帝師大寶法王帕兒巴集
郡國教釋諸僧登壇演法從容詢於衆曰佛法至中國
始于何時首居何刹扶宗弘教大師龍川講主行育時
在衆中乃引永平之事以對且以營建為請會白馬寺
僧行政言與行育叶帝師嘉納聞於世祖聖德神功文
武皇帝特勅行育綜領修寺之後經度之始無所取財

遍訪檀施於諸方洊更歲籥而未覩成效帝師聞之申
命大師丹巴董其事丹巴請假護國仁王寺田租以供
土木之費詔允其請裕宗文惠明孝皇帝時在東宮亦
出帛幣為助于是工役始大作為殿九楹法堂五楹前
三其門傍翼以閣雲房精舍齋庖庫廡以次完具位置
尊嚴繪塑精妙蓋與都城萬安興教仁王三大刹比勳
焉始終閱二紀之久緣甫集而行育卒詔贈司空鴻臚
卿謚護法大師文才繼主席酬酢衆務率其屬敏于事

者曰淨汴等以畢寺之餘功落成之際仁王寺欲復所
假田租文才即遣僧奭言於丹巴曰轉經頌禧寺所以
來衆僧也有寺無田衆安仰丹巴令宣政院官達什愛
滿等奉請遂有賜田之命且勅有司世世勿奪云寺二
一在宜陽縣治西九十里又一在永寧縣東南二十五
里

應天禪院在河南府城東北市坊火燒街即太祖降生
甲馬營故基也大中祥符九年西京應天院太祖神御

殿成為屋九百九十一區命宰相向敏中為奉安聖容
禮儀使八內都知張景管勾奉迎勅諫議大夫戚綸告
永昌陵

上清宮在洛陽縣西北北印山之西唐老子廟乾封賜
額曰玄元皇帝廟開元末西北別建玄元觀復改曰上
清宮宮壁有吳道子畫神宗太宗中宗睿宗玄宗五帝
御容又有玄宗齋宮詩碑朱溫廢為老子廟後唐莊宗
復為上清宮云杜少陵有冬日洛城謁元皇帝廟詩即

其宮也牛口谷榆窠園皆在宮之相近云廟壁龕杜甫
五言古詩一首唐陸肱所書碑也

嵩陽宮在登封縣北五里本漢武帝宮也後魏建精思
觀隋改上陽觀唐武后改嵩陽宮大中祥符二年改天
封觀後復為嵩陽宮宮有漢武帝御井古栢二株蔭數
百步武后皆封五品大夫世稱大小將軍云宮前聖德
感應頌碑一道唐徐浩書殿東柱刻曰國子博士韓愈
與著作郎樊宗師處士盧仝道士趙元遇元和四年三

月二十六日題

崇福宮在登封縣東北四里乃古太乙之所治也宮後
有太乙殿殿後有太乙泉云至宋章聖朝合州進木文
丈人其事甚怪比至京木中人呼萬歲者三詔賜崇福
宮安泰故李廌方叔有詩曰真人友造化故與物為一
持此誠與神可貫金與石何為輒入木厭世未肯出衣
冠儼如生隱若顧陸筆

側影臺在登封縣東南二十五里天中鄉告成鎮周公

測影臺石蹟存焉告成即古嵩州陽城之墟是為天地之中也臺高一丈二尺周十六步可容八席周禮大司徒以土圭之法測土深正日景以求地中建王國焉日至之景尺有五寸謂之地中唐開元十一年詔太史監南宮說以石立表宋大中三年汜水令李偃重建增崇七尺國朝至元十六年太史令郭守敬奏設監候官十有四員分道測景十八年奉勅于古臺之北築臺高三十六尺中樹儀表上為四銅環規制極精緻命有司營

解舍門廡又於古臺新臺南建周公之廟以祀之其碑則河南憲史李用中撰文也臺西則天中觀云

嵩山中嶽廟在登封縣東一十二里曰中嶽廟殿屋宏麗埽樓四闕角複道聯屬儼於宮庭三門之下二衛神皆鐵鑄極雄偉兩廡碑石森列皆國朝代祀者所立也又有唐碑一通韋行儉所撰宋碑三通靈多遜王曾陳知微所撰國朝修廟碑一通則廬陵歐陽玄撰也廟西又有鎮皇廟云中嶽之神今封為中天大寧崇聖帝

中嶽中天崇聖帝廟在登封縣按中嶽唐武太后垂拱四年改嵩山為神嶽加嶽神為太師使持節中嶽大都督封中天王禁斷芻牧萬歲登封元年尊為神嶽中天黃帝天靈妃為天中黃后後罷之明皇天寶立載封中天王至宋大中祥符四年號中嶽崇聖帝貞明后乾興元年改顯明皇后唐開元八年建考唐制每歲土王河南伊奉詔祀嶽至宋亦知府往祠慶歷後通判攝事今在縣東北九里按其神性慈傳五戒不享葷辛廟始在東南嶺上今廟之東後魏太武帝大安中徙於神蓋山在今廟之北至宋大武方移於此廟南有雙石闕外石人一對闕上多記刻後漢安帝元初年建

昇仙太子廟在偃師縣南古緱氏縣東南二十里曰府店店南緱氏之上有昇仙太子廟古曰王仙君廟漢武建西王母祠於其右王母姓緱氏故以名其山云唐武后萬歲通天元年改賜今額又曰賓天觀觀有唐二碑一通乃左相陳希烈撰文徐浩書一通則武后自書撰

也二碑今皆不存今惟有一碑國朝陳天祥所撰者也
天祥歿歷臺諫素有風節為時名臣贈平章政事趙國
公諡曰文忠世尊之為緱山先生按神仙傳曰周靈王
太子名晉字子喬好吹笙作鳳鳴遊伊洛之間浮邱公
接以上嵩高山學神仙之道三十年後七月七日乘白
鶴而去因立祠于緱山之下焉祠南有浴鶴池仙屋石
室武后子石室中開石匣得一古劍神光赫然緱山大
抵若覆盂之狀高不百尋周不數里且無泉石之勝因

仙居之名而著聞四方也土人云至今風月清夜窅然
時聞笙簫之聲

漢光武帝原陵在臨平亭南方三百二十步高六丈西

望平陰去洛陽東南十里

按帝王世紀
作十五里

漢明帝顯節陵在洛陽縣東南三十七里故富壽亭也

陵周三丈二尺無周垣行馬四出在殿北提封田七
十四頃

漢章帝敬陵帝王世紀曰在洛陽縣東南三十九里陵

周三百步高二丈六尺無周垣為行馬四出司馬門鐘
虞皆在行馬內寢殿園省在東園寺吏舍在殿北提封
田十二頃五十七畝八十五步按河南志作提封田
二十頃五十五畝
和帝慎陵在洛陽縣東南四十一里陵周三百八十步
高十丈

順帝憲陵在洛陽縣西十五里陵周三百步高八丈四
尺北邙山下制度並同前但鐘虞在司馬門內寢殿園
省寺吏舍在殿東提封田四十八頃十九畝三十步

魏明帝高平陵在洛陽縣東南四十里大石山即萬安
山也

宋太祖永昌陵在芝田西四十里陪葬子孫十五墳

宋太宗永熙陵在芝田西南四十里皇堂深百尺方廣
八十尺陵臺方二百五十尺置守陵五百人陪葬子孫
凡八墳

真宗永定陵在芝田北五里皇堂深八十一尺上方百
四十尺

仁宗永昭陵在芝田北十二里初崩發諸路卒四萬六千七百八十人修奉山陵

英宗永厚陵南至定陵七里一百三十步東至昭陵九十步

神宗永裕陵在永厚陵之西

哲宗永泰陵在裕陵東北

漢劉寬墓在洛陽上東門外墓南二碑漢隸蔡邕所書碑首題曰漢太尉車騎將軍特進遼鄉侯劉公碑其一

碑門生殷包等所立碑陰刻贈物綠含玉落星錦之類一碑故吏李謙所立也碑陰刻故吏鄉里名氏云二碑所載與漢書同但遷官次序頗畧異耳寬以漢中平二年卒至唐咸亨元年其裔孫胡城公爽以碑歲久皆仆于野為再立之併記其世序云嗚呼前世士大夫世家著之譜牒故自中平至于咸亨四百餘年而爽能知世次之詳也今之譜學亡矣雖名臣鉅族未有家譜然而俗尚苟簡廢失者豈止家譜而已哉

杜氏墳在鞏縣西五十二里首陽山東唐杜審言及子
閑孫甫三世墓皆在焉

宋參知政事范文正公仲淹墓在洛陽縣南七十里神
陰鄉彭姿店東北萬安山下其子丞相忠宣公堯夫以
下皆祔葬兆內文正公之碑則歐陽文忠公撰文額曰
懷賢之碑忠宣公神道碑則曾文昭公肇撰文額曰世
濟忠直之碑墓東則守墳哀賢寺寺有范氏復祖墓碑
一通天台陳基之文也其畧曰宋大師魏國范文正公

以上三世墳墓皆在吳門之天平山至公始葬洛陽母
謝夫人之兆其子丞相忠宣公以下三世皆祔焉靖康
之亂子孫在吳弗獲展慕逮我元混一故公克登祀典
有司致祭惟謹公八世孫文英謂其子廷方曰吾子孫
幸生明時憑藉餘澤食有義田居有義宅教有義塾而
祖宗立隴鞠為芻牧之區尚安得為子孫哉廷方自吳
門不遠數千里致其父命于河南僉憲李齊御史沃呼
海壽出金為倡率其鄉黨牧倅奉牲墓下豪民觀感卒

復所封舊地薙草繚垣壤樹築室俾甥趙氏廬其上又
曰文正公以問生之氣王佐之材致位將相為宋忠臣
誦其詩讀其書可以立忠信而尊君父興王道而致太
平其父子寃宥使斧斤耒耜相尋其中豈國家尸祝以
待先賢之意乎基字敬初能詩文游京師名稱藉甚則
余之故人也

邵康節先生之墓在洛陽縣南伊闕西南九里曰辛店
伊水西也

洛陽金石刻 漢碑 大尉劉寬碑二通 丞相蕭何

碑折作兩段 魏碑 三斷碑二通皆漫無字 齊碑 佛龕碑

天統三年立 二祖天師碑 馮翊王平等碑 後魏

碑 侍中廣平穆王碑俗云陵塚碑 景王碑 魏汝

南文宣王碑 末帝碑 元魏碑韓殷隸書天 昇仙

太子廟碑梁雅文 唐碑 啟母廟碑揚烱文 金字碑韓

書 義成軍節度使曹公碑長慶四年立 程公碑陸賢書

十年 劍南東西川鹽鐵青苗租庸等使兼殿中侍御

史鏡州刺史嚴公碑顏頤書元和中立 龍門龕石像碑袁元哲書

彭王傅贈太子少師徐浩碑次子徐峴書 啟聖宮臺勅

碑太子享題 雒陽尉馬允中碑 黃門侍郎孫公碑 荆

州長史孫公碑張廷諷書 延州刺史孫公碑開元二年立 齊

州刺史崔府君碑崔平書大中八年立 陳公碑蕭祐立 右僕射

曹公碑正元四年立 左僕射牛公碑長慶三年立 邕州刺史

裴公碑鄭還古書開成五年立 房州刺史盧府君碑張文禧書正元九年立

立 東都留守盧府君碑開元中元立 太原少尹盧府君碑

張文禧書正元九年立 歙州刺史郭府君碑開元十二年立 散騎常

侍黎公碑嗣子書太和中立 塞軍使張公碑 丞相司空李

公碑太和中立 明威將軍田府君碑 韓尊師道德碑開

四年立 太子賓客王府君碑周式書大歷中 工部侍郎趙

公碑王宣書開元十年立 左衛大將軍卞國公泉公碑彭杲書

左僕射太子少保劉公碑 都督隴右羣牧韋公碑

秦公碑 太子少保崔公碑 廬州司馬劉府君碑

真堂記碑 測景臺記碑 會喜寺碑徐洪八分書 嵩岳

廟碑書八分 高山寺頌碑胡莫書開元十七年立 辯正禪師奉

先塔銘碑書徐峴 太子翊善鄭公碑 光福寺塔題名

碑王仲舒書 高山題名碑韓愈書 江陰縣令武登碑長慶四年

立 澠池縣南館記碑盧元卿書八分 太子賓客孟簡碑

普寧郡王陳府君碑蕭祐書 權公碑 太原尹唐公碑

盧曉八分書 工部侍郎趙國公碑 襄陽李公碑 惠林

寺題名碑 惠林寺新修軒廊記碑 清河崔公碑

太子賓客孔府君碑 諫議大夫王府君碑 白樂天

墓志碑 刑部尚書白居易碑許郊書 吏部郎中盧府

君碑 如雲筠禪師碑楊遠書 尊勝幢碑篆書 心經幢

子碑篆書 白樂天龍門八節灘詩碑樂天自書 鄭州司馬

王公碑景龍三年立 伊州刺史衙府君碑長安三年立 蕭府

君碑 杭州刺史李公碑部公書 邛州刺史狄君碑

幽林思嵩山詩碑韓覃作 杜甫題玄元皇帝廟詩碑陸肱

書 白樂天香山寺詩三十韻碑賀技書 李德裕平泉

山居詩碑 天后御製詩碑王知恭書 後魏大將軍泉府

君碑 華夷圖碑 洪州錄事參軍趙道光碑 節度

使畢公碑 唐惟蔚書咸通六年立 魏公碑 太和六年立 隋州錄事

參軍狄公碑 韓愈書

王公

王公

王公

王公

河朔訪古記卷下書白

